

Universitätsbibliothek Paderborn

Antonii Bynaei de Calceis Hebraeorum Libri Duo

Bynaeus, Anthony

Dordraci, 1682

A viro magno dissensum.

urn:nbn:de:hbz:466:1-12835

quam notasset addici ipsi firmitudinem portarum & obicum, ut non possint ulla vi perrumpi & refringi, quem sensum hujus loci superius refutavimus, alios addit calceamentum interpretari & referre ad verba quae in eodem libro leguntur: *Calceus tuus* Deut. 29. § vetustate non fuit corruptus. At posse videri calceamentum ferro suppactum significare superationem difficultatum, ut qui in spinis & scrupis & muricibus ambulat. Scil. vir magnus hoc de calceamento ferro suppacto sumit, quem significare putat superationem difficultatum. Eadem Cocc. in fere habet in Lexico Hebraico: *Sensus*, inquit, *dabo tibi ambulare* Lex. Hebr. ad vocem *לְמַן*. in securitate, ut pedibus tuis nulla noxa accidat, quasi ferro & ære calceatus esses.

X. Ab hac viri magni expositione cogimur etiam dissentire. Nihil dicimus de ea interpretum sententia, qui referunt ad illud quod in Deuteronomio legitur, de calceis qui vetustate non fuerunt consumpti: Id enim prorsus huc non facit. At quod vir magnus de calceamento ferro suppacto interpretatur, merito dubitamus an

36 De CALCEIS HEBRÆOR.

admitti possit. Caligas ferreis atque æneis clavis fuisse subpacta res est certa. An vero hic usus antiquissimis temporibus inter Hebræos usitatus fuerit nescimus. Sed in usu hominum calceamenti ferro suppacta fuisse extra militiam, non credimus. Roganti Nicobulo *divesne esset istic Theotimus* apud Plautum servus responderet

Plaut.

Bachid.

Act. 2. Sc.

3. ¶ 98.

— *Etiam rogas?*

Qui auro habeat soccis subpacta solum.

Scilicet luxus veterum divitum etiam in eo fuit, ut clavis argenteis vel aureis soleas suppingerent, uti jam dudum monuit vir incomparabilis Isaacus Casaubonus. At qui ferro vel ære haberet soccis subpactum solum, non credo facile ostendi posse. Hoc vero necesse esset ut extra militiam haberint veteres ferro suppacta calceamenta, siquidem ad ea allusisset Moses, cui calceus ferro suppactus significaret superationem difficultatum, aut quod ambularent in securitate. Ne dicam de calceamento ferro suppacto exponi non